



KEMENTERIAN PERDAGANGAN DALAM NEGERI
DAN KOS SARA HIDUP

KERATAN AKHBAR UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PPP)
SETIAUSAHA AKHBAR**

29 JANUARI 2023 (AHAD)



KEMENTERIAN PERDAGANGAN DALAM NEGERI
DAN KOS SARA HIDUP

KERATAN AKHBAR (KPDN)

29 JANUARI 2023 (AHAD)

Peniaga sorok minyak masak peket untuk pelanggan tetap

SUNGAI PETANI - Sebuah kedai diserbu Kementerian Perdagangan Dalam Negeri dan Kos Sara Hidup (KPDN) Kedah gara-gara tindakan peniaga yang enggan menjual minyak masak peket bersubsidi kepada pelanggan.

Pengarah KPDN Kedah, Affendi Rajini Kanth berkata, serbuan pada jam 11 pagi di Pekan Baru di sini pada Sabtu, susulan aduan yang dikesan menerusi aplikasi TikTok apabila pelanggan meluahkan rasa tidak puas hati kerana tidak dibenarkan membeli minyak masak peket satu kilogram (kg) bersubsidi.

"Satu uji beli telah dilakukan melalui pegawai yang berpakaian preman, namun peniaga menyatakan minyak masak peket

satu kg itu tiada di premis.


"Bagaimanapun, hasil pemeriksaan lanjut pasukan pegawai penguat kuasa telah menjumpai sebanyak 120 peket minyak masak satu kg di bahagian belakang premis, dipercayai disimpan dan tidak dijual.

"Ia disyaki disimpan untuk pelanggan tetap," katanya dalam satu kenyataan pada Sabtu.

Affendi berkata, 120 peket minyak masak tersebut kemudian disita untuk tindakan lanjut dan siasatan dijalankan mengikut Seksyen 16A(1)(b) Akta Kawalan Bekalan 1961 kerana enggan menjual barang kawalan iaitu minyak masak bersubsidi sekilogram.



Pemeriksaan menemui 120 peket minyak masak bersubsidi satu kilogram di bahagian belakang kedai.





PELAYAN kedai makan di Medan Selera Penghulu Cantik, Seremban menghantar air suam kepada pelanggan.



PENIAGA, Sri Kartina Thalib, 40, menyediakan air kosong secara percuma kepada pelanggan yang datang ke kedai makannya di Medan Selera Sri Bayu, Batu 4, Port Dickson.

Seremban: Pengusaha kedai makan di negeri ini berpendapat mereka berhak mengenakan caj bagi air suam serta air kosong, namun harga yang ditetapkan biarlah berpatutan dan masuk akal.

Bagaimanapun tinjauan mendapati kebanyakan pengusaha restoran di sekitar Seremban dan Port Dickson tidak mengenakan caj untuk air suam atau air kosong yang diminta pelanggan.

Siti Nor Ain Mohd Sin, 34, berpendapat, harga yang wajar dikenakan adalah 20 sen atau paling mahal 50 sen jika tetap mahu mengenakan caj bagi air berkenaan.

"Ada pelanggan datang dan minta air suam, memang saya tak caj. Kalau mahu kenakan bayaran, biarlah berpada-pada kerana bagi saya harga sehingga RM2 untuk segelas air suam memang ti-



Kalau pelanggan datang beramai-ramai dan minta air suam, saya caj 20 sen sebab cawan perlu dibasuh. Kebiasaannya peniaga kenakan bayaran paling tinggi 50 sen sahaja"

Siti Nor Ain

dak wajar.

"Jika pelanggan datang beramai-ramai dan minta air suam, saya caj 20 sen sebab cawan perlu dibasuh. Kebiasaannya peniaga kenakan bayaran paling tinggi pada 50 sen sahaja," katanya, semalam.

Beliau mengulas tindakan

Oleh Muhammad Saufi Hassan
am@hmetro.com.my

Kuala Lumpur

Caj maksimum untuk air suam adalah 20 sen dan penjualan sehingga RM2 disifatkan sebagai melampau serta menekan pelanggan.

Presiden Persatuan Pengusaha Restoran Muslim Malaysia (Presma) Datuk Jawahar Ali Taib Khan berkata, caj minuman air suam ini diletakkan pada kadar paling minimum iaitu 20 sen saja.

Pada masa sama, beliau sedang berusaha untuk men-

cadangkan supaya air suam atau air kosong ini diberikan secara percuma di restoran terpilih rangkaian Presma.

"Walaupun kita mempunyai kos untuk air suam ini seperti kos servis mesin penapis air dan sebagainya, namun kita cuma untuk menyerap segala kos berkenaan demi keselesaan pelanggan.

"Tindakan pengusaha yang mengenakan caj air suam sehingga RM2 itu adalah sangat melampau dan terlalu tinggi.

"Itu keterlaluan, hanya dengan air suam dikenakan sehingga RM2, saya harap tidak ada ahli Presma yang mengenakan caj sedemikian," katanya.

Mengulas lanjut berhubung cadangan air suam percuma, beliau berkata, cadangan itu timbul apabila ada permin-

taan daripada Kementerian Perdagangan Dalam Negeri dan Kos Sara Hidup (KPDN) terhadap Presma.

Menurutnya, Presma melihat ia satu bentuk cadangan yang baik dan sedang berusaha untuk merealisasikan di rangkaian restoran terpilih.

"Apa saja kepentingan untuk pelanggan, kita akan cuba buat dan realisasikan walaupun ada kos untuk cadangan itu, tidak mengapa.

"Saya mengharapkan bahawa ia dapat direalisasikan tidak lama lagi selepas semua kertas cadangan ini dipersetujui dan selesai di peringkat Presma," katanya.

AIR SUAM RM2 MELAMPAU

Gesa peniaga caj minuman kosong pada kadar serendah 20 sen sahaja

'Kalau nak caj pun biarlah berpada-pada'

tidak wajar seorang pemilik premis makanan di Port Dickson yang diambil tindakan oleh pihak berkuasa selepas mengenakan caj RM2 bagi segelas air suam.

Tinjauan wartawan di sekitar daerah itu juga mendapati sudah banyak premis makanan yang menyediakan 'mesin air suling' yang diberikan secara percuma namun pelanggan perlu melayan diri.

Peniaga di Medan Selera Penghulu Cantik, Rosmawati Abdul Rahim, 46, berkata, pengusaha kedai makan perlu berpada-pada meletakkan harga makanan dan minuman lebih-lebih lagi jika menyewa dengan pihak berkuasa tempatan (PBT) yang mengenakan caj sewa jauh lebih murah.

"Saya berniaga di sini hampir 20 tahun dan tidak pernah mengenakan caj air suam atau air kosong wa-

laupun pelanggan minta 10 gelas. Tiada masalah jika mahu caj, namun biarlah berpatutan.

"Medan selera ini di bawah pengurusan PBT dan sewanya lebih murah. Jadi tidak wajar mengenakan caj mahal bagi harga makanan atau minuman," katanya.

Pemilik restoran di Seremban 2, Shahrul Iswan Zailan, 36, pula berkata, sejak membuka restoran empat tahun lalu, dia sememangnya tidak mengenakan sebarang caj untuk air suam dan air kosong kepada pelanggan.

"Di setiap meja makan saya akan sediakan sebotol air kosong dan jika tidak cukup, pelanggan boleh ambil secara percuma di mesin air disediakan.

"Niat saya sambil berniaga mahu bersedekah. Tapi kalau peniaga lain nak caj pun tiada masalah, cuma harganya perlulah bersesuaian," kata-

nya.

Terdahulu, Majlis Perbandaran Port Dickson (MPPD) dilaporkan menerima aduan mengenai peniaga di sebuah medan selera di Port Dickson yang mengenakan caj air suam RM2.

Susulan aduan berkenaan, MPPD dikatakan tidak akan memperbaharui lesen peniaga berkenaan.



Di setiap meja makan saya akan sediakan sebotol air kosong dan jika tidak cukup, pelanggan boleh ambil secara percuma di mesin air disediakan"

Shahrul Iswan



Air suam, air kosong diberi percuma

SEREMBAN – Majoriti peniaga makanan di sekitar Seremban di sini tidak mengenakan sebarang caj kepada pelanggan yang membuat pesanan air suam atau air kosong.

Seorang peniaga, Rosmawati Abdul Rahim, 46, berkata, sejak 19 tahun berniaga Mi Jawa Medan Selera Penghulu Cantik di sini, air suam atau air kosong diberikan secara percuma.

"Saya rasa serba salah jika mengenakan caj air suam atau kosong kepada pelanggan, tidak kisahlah dia pesan banyak mana pun sehingga 10 gelas sekali pun tetap percuma.

"Kalau peniaga lain hendak mengenakan caj tiada masalah, tetapi perlulah berpatutan, 20 sen masih okay," katanya ketika ditemui di Medan Selera Penghulu Cantik di sini semalam.

Seorang pekerja kedai, Muhammad Ammar Wan Mohd. Saidi, 28, berkata, sebagai peniaga, langkah tidak mengenakan caj sama seperti bersedekah dengan menyediakan minuman tersebut secara percuma.

"Pelanggan sudah makan di kedai kami, jadi kalau nak pesan air suam dan air kosong, kami beri sahaja tanpa bayaran," katanya.



MUHAMMAD AMMAR menunjukkan air suam dan air kosong percuma di gerainya di Medan Selera Penghulu Cantik, Seremban semalam.

— NOR SHAFAWATI YUP



INILAH lori yang digunakan dalam kegiatan penyelewengan diesel bersubsidi di Ipoh kelmarin.

Beli diesel subsidi berulang kali di stesen minyak guna lori sama

IPOH – Seorang lelaki ditahan bersama sebuah lori yang membawa 1,148 liter diesel bersubsidi dipercayai cuba diseleweng di sebuah stesen minyak di Jalan Tun Abdul Razak di sini kelmarin.

Pengarah Kementerian Perdagangan Dalam Negeri dan Kos Sara Hidup (KPDN) Perak, Saifulizan Kamarul Zaman berkata, lelaki berusia 51 tahun itu ditahan ketika sedang mengisi minyak sekitar pukul 8.20 pagi.

"Pemeriksaan lanjut ke atas lori itu mendapati sebuah tangki fiber segi empat yang disyaki

berisi barang kawalan berjadual iaitu diesel disimpan di dalam kenderaan berkenaan.

"Hasil pemeriksaan, pemandu lori itu gagal mengemukakan sebarang dokumen atau permit khas berkaitan pembelian barang kawalan," katanya dalam kenyataannya semalam.

Menurutnya, siasatan juga mendapati lori terbabit membuat pembelian diesel dengan had yang dibenarkan secara berulang-kali bagi mengaburi pihak berkuasa.

Katanya, minyak berkenaan

akan disalurkan kepada tangki fiber segi empat yang berada di dalam lori yang ditutup kanvas itu.

"Sebanyak 1,148 liter minyak disyaki diesel bersama tangki fiber segi empat, lori, peralatan pam telah disita. Nilai rampasan keseluruhan berjumlah RM31,468.20.

"Tindakan juga diambil terhadap pemilik stesen minyak kerana melanggar syarat lesen dan kes disiasat di bawah Akta Kawalan Bekalan 1961 dan di bawah Peraturan-Peraturan Kawalan Bekalan 1974," ujarnya.